


ବିସ୍ବାସି ଲକ୍ଷ୍ମେନ୍ ଚଳାଚଳ୍ଚି ଡେଡେମ୍ବୁ ବିସୟରେ ଯାଶୁ ଅବ୍ଗିର' ବେଡ୍ବେ'ନ୍ବୁ



ବିସ୍ବାସି ଗୁଡବ୍ ମନ୍ଡ୍ଲି
Translation Team

ଯୀଶୁ ବିରଜ୍ଵ' ଲକ୍ନେନ୍‌ଲାଇ ଅବ୍‌ଗିରନ୍ତୁ

1 ଯୀଶୁ ନିଜରନ୍ତୁ ବୁନ୍‌ଦେ ବେସି ଲକ୍ନେନ୍ ପିପିଙ୍ଗନ୍ତୁ ଜୁଅ'ସୁ ମୁଇର' ବିରଜ୍ଵ ଡବ୍‌ନାଙ୍ଗ
ଡାଇ'ଗିସୁ ତୁନ' ଲେୟ୍'ଗି ମିୟ' ସିସ୍‌ନେନ୍ ଯୀଶୁନ୍ତୁ ବୁନ୍‌ଦେ ଉଜି'ନେନ୍। 2 ତୁ ବେଲା
ଯୀଶୁ ଅମାୟ୍‌ନେନ୍‌ଲାଇ ଏ ଇତ' ଅବ୍‌ଗିର ଲେୟ୍'ଗି,

3 ବ' ଲକ୍ନେନ୍ ଅନିଙ୍ଗଲାଇ ସତ୍‌ମାପୁରୁ ଦରକାର୍ ଡିୟ୍‌ସୁ ବାବେୟ୍‌ତନେନ୍,
ମାୟ୍‌ନେନ୍ ଆସିର୍‌ବାଦ୍ ପାଏୟ୍‌ଗୁନ୍ତୁ ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା ଏ ଇତ'କାଙ୍ଗ
ଲକ୍ନେନ୍‌ଅ' ସରଗ୍ ରାଜିବ' ହୁଲଙ୍ଗ୍‌ନେନ୍।

4 ବ' ଲକ୍ନେନ୍ ନିଜରନ୍ତୁ ପାପ୍ ପୁଲାଇ ମିୟ' ବିନ୍ ଲକ୍ନେନ୍ତୁ ପାପ୍ ପୁଲାଇ ଦୁକ୍
ଡେମ୍‌ତନେନ୍, ମାୟ୍‌ନେନ୍ ଆସିର୍‌ବାଦ୍ ପାଏୟ୍‌ଗୁନ୍ତୁ ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା
ସତ୍‌ମାପୁରୁ ଅମାୟ୍‌ନେନ୍‌ଲାଇ ସାନ୍‌ତି ଅବ୍‌ଡେମ୍‌ତୁ।

5 ବ' ଲକ୍ନେନ୍ ସୁଆଲ୍‌କାଙ୍ଗ ହୁତୁନେନ୍, ମାୟ୍‌ନେନ୍ ଆସିର୍‌ବାଦ୍ ପାଏୟ୍‌ଗୁନ୍ତୁ
ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା ସତ୍‌ମାପୁରୁ ଏ ଦୁନିଆଁ ଅମାୟ୍‌ନେନ୍‌ଲାଇ ବେ'ତୁ।

6 ବ' ଲକ୍ନେନ୍ ସତ୍‌ମାପୁରୁନ୍‌ବ' ହୁଗୁନ୍ତୁ ଦରମ୍‌କାଙ୍ଗ ବିସୟ୍‌ନେନ୍‌ଲାଇ ଇତା
ଡେମ୍‌ତନେନ୍, ମାୟ୍‌ନେନ୍ ଆସିର୍‌ବାଦ୍ ପାଏୟ୍‌ଗୁନ୍ତୁ ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା
ସତ୍‌ମାପୁରୁ ଅମାୟ୍‌ନେନ୍‌ଲାଇ ତୁ ଦରମ୍ ପୁରାପୁରୁନ୍ ବେ'ତୁ।

7 ବ' ଲକ୍ନେନ୍ ବିନ୍ ଲକ୍ନେନ୍‌ଲାଇ ଦୟା ଅବ୍‌ସେୟ୍‌ତନେନ୍, ମାୟ୍‌ନେନ୍ ଆସିର୍‌ବାଦ୍
ପାଏୟ୍‌ଗୁନ୍ତୁ ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା ସତ୍‌ମାପୁରୁ ଅମାୟ୍‌ନେନ୍‌ଲାଇ ଦୟା
ଅବ୍‌ସେୟ୍‌ତୁ।

8 ବ' ଲକ୍ନେନ୍ ନିଜରନ୍ତୁ ମନ୍ ଆଲୁଙ୍ଗ୍ ନିର୍‌ମଲ୍ ହୁଲଙ୍ଗ୍‌ନେନ୍, ମାୟ୍‌ନେନ୍ ଆସିର୍‌ବାଦ୍
ପାଏୟ୍‌ଗୁନ୍ତୁ ଲକ୍ନେନ୍। ମାଙ୍ଗ୍‌ଡେମ୍ ଡିୟ୍‌ନା ମାୟ୍‌ନେନ୍ ସତ୍‌ମାପୁରୁଲାଇ ଜୁତୁନେନ୍।

9 ବ' ଲକ୍ନେନ୍, ଲକ୍ନେନ୍ ଆଲୁଙ୍ଗ ସାନ୍ତି ଅବତେମ୍ ପୁଲାଇ କାମ୍ ତେମ୍ତନେନ୍, ମାୟ୍'ନେନ୍ ଆସିର୍ବାଦ୍ ପାଏୟ୍ଗୁନ୍ ଲକ୍ନେନ୍। ମାୟ୍'ତେମ୍ ତିୟ'ନା ସତ୍ମାପରୁ ଅମାୟ୍'ନେନ୍ଲାଇ ନିଜର୍ ଅ'ଅନ୍ଅନ୍ତାୟ୍'ନେନ୍ ତିୟ'ସୁ ଆୟ୍'ତୁ।

10 ବ' ଲକ୍ନେନ୍ ସତ୍ମାପରୁନ୍ ଇଚା ଅନ୍ସାରେ ଦରମ୍ କାମ୍ ତେତେମ୍ ଲାଗି, ଦୁକ୍ କସ୍ତ ପାଏୟ୍'ତନେନ୍, ମାୟ୍'ନେନ୍ ଆସିର୍ବାଦ୍ ପାଏୟ୍'ଗୁନ୍ ଲକ୍ନେନ୍। ମାୟ୍'ତେମ୍ ତିୟ'ନା ଏ ଇଚ'କାୟ୍ ଲକ୍ନେନ୍ଅ' ସତ୍ମାପରୁନ୍ ରାଜିବ' ଉୟ୍'ଲକ୍'ନେନ୍।

11 ପେନ୍ ନିଜ୍'ନ୍ କୁରୁୟ୍ ପିଜିନ୍ ଲାଗି, ଲକ୍ନେନ୍ ଅପେନ୍ଲାଇ କିଜାଅ'ନା, ଦୁକ୍ କସ୍ତ ବେଡ'ନା ମିୟ' ପେନ୍ ବିରଦ୍ରେ ମିର୍ ସାମ ସୁନ'ନା, ପେନ୍ ସାର୍ଦା ତେତେମ୍ ତୁତୁ, ତେବେ ସତ୍ମାପରୁ ଅପେନ୍ଲାଇ ଆସିର୍ବାଦ୍ ତେମ୍ତୁ। 12 ପେନ୍ ସବୁ ବେଲା ସାର୍ଦାରେ ତୁକାନେନ୍, ମାୟ୍'ତେମ୍ ତିୟ'ନା ପେନ୍ ସରଗ୍'ବ' ମଡ'କାୟ୍ ପୁରସ୍କାର୍ ପାଏୟ୍'ଲକ୍'ପେନ୍। ମିୟ' ପେନ୍ ଆକ୍ତୁ ସତ୍ମାପରୁନ୍ ତିକ୍ ସାମ ସୁସୁନ୍'ନ୍ ଲକ୍ନେନ୍ଲାଇସା ଏ ଇଚ' ଦୁକ୍ କସ୍ତ ବେଡ୍'ବେ'ନେନ୍ ତୁଗୁ, ତୁନ୍ଲାଇ ପେନ୍ ଏତାଅ' ତୁକାନେନ୍।

ବିତିକ୍ ମିୟ' ତାରା'ନ୍ ବିସୟ୍ରେ

ମାୟ୍'ତ ୫:୧୩-୧୬

13 ପେନ୍ ଏ ଦୁନିଆଁନ୍ ବିତିକ୍ ମୁନାୟ୍ ତୁତୁପେନ୍। ମାତର୍ ବିତିକ୍ ଜଦି ନିଜେ ବିତିକ୍ ମୁନାୟ୍ କାରିୟା ଆର୍ତେମା ତିୟ'ନା, ତୁନ୍ଲାଇ ମିୟ'ତରେକ୍ କାରିୟା ଅବତେମ୍ ଆର୍ତେମା। ତୁନ୍ ବେକାର୍ ତେଜ୍ ଉୟ୍'ଲକ୍ ମିୟ' ତୁନ୍ଲାଇ ତାନ୍ତ୍'ବ' ସୁଅଁ' ବେ'ତନେନ୍ ମିୟ' ଲକ୍ନେନ୍ ତୁନ୍ଲାଇ ତେନ' ସୁଜ୍'ତନେନ୍।

14 ପେନ୍ ଏ ଦୁନିଆଁନ୍ ତାରା' ମୁନାୟ୍ ତୁତୁପେନ୍ ମିୟ' ବିରକ୍ ତବ୍'ନାୟ୍ ତୁଗୁନ୍ ବ'ସା ଗଡ୍ ମର୍ତୁନାୟ୍'ଗୁସୁ ବୁୟ୍'ଗୁ ଆର୍ତୁକା। 15 ମିୟ' ବ'ସା ଲକ୍ନେନ୍ ବତିଲାଇ ଲାଗାଅ'ସୁ, ତୁ ବତିଲାଇ କୁୟ୍'କ୍ ତାଲ'ସୁ ଆର୍ବକ୍'ନେନ୍। ମାତର୍ ତୁ ବତିଲାଇ ବତି

ବଜ୍ରବଜ୍ରନ୍ତୁ ବତି କୁଦ୍ରାବ' ବଜ୍ରତନେନ୍ ମିୟ' ତୁ ବତି, ତିଏନ୍ବ' ତୁଗୁନ୍ତୁ ସବୁ ଲକ୍ଲାଇ
ତାରା' ବେ'ତା 16 ତୁ ଇତ' ପେନ୍ତୁ ନିମାନ୍କାଜ୍ କାମ୍, ଲକ୍ଲନେନ୍ତୁ ସୁମାଜ୍ବ' ତାରା'
ମୁନାଜ୍ ତୁନାଲ୍ଏ। ତୁନ୍ତୁ ପୁଲାଇ ମାଇ'ନେନ୍ ପେନ୍ତୁ ନିମାନ୍କାଜ୍ କାମ୍ନେନ୍ଲାଇ କୁଅ'ସୁ
ସରଗ୍ବ' ତୁଗୁନ୍ତୁ ପେନ୍ତୁ ଆପୁଜ୍ ସତ୍ମାପୁରୁଲାଇ ତାକ୍ପୁଟା ତେମ୍ତୁନେନ୍।

ଯିହୁଦୀନେନ୍ତୁ ନିୟମ୍ ବିସୟରେ

ମାଥୁର୍ ୫:୧୭-୨୦

17 ନିଜ୍ ମୋଶା ଲେକେୟ'ନ୍ତୁ ନିୟମ୍ଲାଇ ମିୟ' ସତ୍ମାପୁରୁନ୍ତୁ ତିକ୍ ସାମ ସୁସୁନ୍ତୁ
ଲକ୍ଲନେନ୍ ସୁନ'ନ୍ତୁ ସାମଲାଇ ନସ୍ତ ତେତେମ୍ଲାଇ ପିଜୁନିଜ୍ ତୁତୁ ତିୟ'ସୁ
ଆର୍ବାବେୟଗୁନେନ୍। ନିଜ୍ ଏ ଇତ' ତେତେମ୍ଲାଇ ପିପିଜ୍ନିଜ୍ ଉରା', ମାତର୍ ତୁନ୍ତୁ
ସିଦ୍ ତେତେମ୍ଲାଇ ପିଜିନିଜ୍ ତୁତୁ। 18 ମିୟ' ନିଜ୍ ଅପେନ୍ଲାଇ ସତ୍ ସାମ
ସୁନ'ନିଜ୍ନି, ଏ ଦୁନିଆଁ ମିୟ' ସରଗ୍ ନସ୍ତ ମର୍ତେତେମ୍ ପତେକ୍, ଏ ନିୟମ୍ତୁ
ମୁଇର'ସା ମି'ଏନ୍କାଜ୍ ବିସୟ୍ ତୁନ'ନ୍ତୁ ଉଦେସ୍ ଅନ୍ସାରେ ମର୍ଗଟେୟ୍ ପତେକ୍ ତୁନ୍ତୁ
ନସ୍ତ ଆର୍ତେମା। 19 ତୁନ୍ତୁ ପୁଲାଇ ଲାଇ'ସା ଏ ସବୁ ନିୟମ୍ତୁ ଆଲୁଜ୍ ତିକ୍ ମୁଇର'
ମି'ଏନ୍କାଜ୍ ନିୟମ୍ଲାଇସା ମର୍ମାନେୟଗୁସୁ ବିନ୍ ଲକ୍ଲନେନ୍ଲାଇ ତୁ ନିୟମ୍
ମର୍ମାନେୟ ପୁଲାଇ ଅବ୍ଗିର' ବେ'ତୁ ତିୟ'ନା, ମାଇ' ସରଗ୍ ରାଜିବ' ମୁଇର' ମି'ଏନ୍
ଲକ୍ ମୁନାଜ୍ ଇସାବ୍ ତେଲଜ୍। ମାତର୍ ଲାଇ' ତୁ ସବୁ ନିୟମ୍ନେନ୍ଲାଇ ମାନେୟଗୁସୁ
ବିନ୍ ଲକ୍ଲାଇସା ତୁ ସବୁ ନିୟମ୍ ମାନେୟ ପୁଲାଇ ଅବ୍ଗିର' ବେ'ତୁ ତିୟ'ନା, ମାଇ'
ସରଗ୍ ରାଜିବ' ମୁଇର' ମଡ୍ ଲକ୍ ମୁନାଜ୍ ଇସାବ୍ ତେଲଜ୍। 20 ମାତର୍ ନିଜ୍
ଅପେନ୍ଲାଇ ଚେତ୍ନା ଅବ୍ତେମ'ନିଜ୍ନି, ପେନ୍ ଏ ଯିହୁଦୀନେନ୍ତୁ ନିୟମ୍ ଅବ୍ଗିର'
ବେଡ୍ବେ'ନ୍ତୁ ଲକ୍ଲନେନ୍ତୁ ତିକ୍ ମିୟ' ପାରୁଶୀ ଦଲ୍ନ୍ତୁ ଲକ୍ଲନେନ୍ତୁ ତିକ୍ ବେସି ନିମାନ୍
ବାବ୍ରେ ସତ୍ମାପୁରୁଲାଇ ମର୍ମାନେୟ ପତେକ୍, ପେନ୍ ସତ୍ମାପୁରୁନ୍ତୁ ରାଜିବ' ଉୟ୍
ଆର୍ଗଜ୍ଆଁପେନ୍।

ରିସା ମର୍ତ୍ତ୍ୟେନ୍ଦୁ ବିସୟରେ

ମାଥୁରା ୪:୨୧-୨୬

21 ମୋଶା ଲେକେୟ'ନ୍ ନିୟମ' ଏ ଇତ' ସୁନ' ହୁଗୁନ୍ ବିସୟଲାଇଁ ଯେନ୍ ଅଁପେନ୍ ହୁତୁ। ଯେନ୍ ଅଲାଇଁ'ସା ଆର୍ତର'ନେନ୍। ଜଦି ବ'ସା ଲକ୍ ଅଲାଇଁ'ସା ଡର୍ତୁ ଡିୟ'ନା, ମାଇଁ ସର୍ମାପରୁନ୍ଦୁବ' ବିଚାର ଅର୍ତେମ୍ଗୁସୁ ଦନ୍ଡ ପାଏୟଲାଇଁ ଡିୟ'ସୁ ଅଁପେନ୍ ହୁତୁ। 22 ମାତର୍ ନିକ୍ ଅପେନ୍ଲାଇଁ ସୁନ'ନିକ୍ନି, ଯେନ୍ ଅଲାଇଁ'ସା ରିସା ଡେଲକ୍ପେନ୍ ଡିୟ'ନା, ସର୍ମାପରୁନ୍ଦୁବ' ବିଚାର ଅର୍ତେମ୍ଗୁସୁ ଦନ୍ଡ ପାଏୟଲାଇଁପେନ୍। ମିୟ' ବ'ସା ଲକ୍, ଅଲାଇଁ'ସା ବକୁଆ ଡିୟ'ସୁ ସୁନ୍ତୁ ଡିୟ'ନା, ତୁ ଲକ୍ ସର୍ମାପରୁ ବିଚାର ଡେଡେମ୍ଗୁ ସବୁ ଲକ୍ନେନ୍ ସୁମକ୍ବ' ବିଚାର ଅର୍ତେମ୍ଲାଇଁ। ମିୟ' ବ'ସା ଲକ୍ ଅଲାଇଁ'ସା ସର୍ମାପରୁନ୍ଦୁ ସୁମକ୍ବ' ଅବିସାପ୍ ବେ'ତୁ ଡିୟ'ନା, ମାଇଁ ସୁଅଁଲ୍ ଲାଗେୟ'ନ୍ ନରକ୍ କୁନ୍ଡ'ବ' ଦନ୍ଡ ପାଏୟଲାଇଁ। 23 ତୁନ୍ ପୁଲାଇଁ ଯେନ୍ ସର୍ମାପରୁନ୍ଦୁବ' ଦାନ୍ ରିଜିସୁ ଅମାଇଁ'ଲାଇଁ ବେଡ୍ବେ'ନ୍ଦୁ ବେଲା ବିନ୍ ଲକ୍ନେନ୍ଦୁ ବିସୟରେ ଏତା' କୁନେନ୍। ଜଦି ବିନ୍ ଲକ୍ନେନ୍ଦୁବ' ଯେନ୍ ବିରଦ୍ରେ ମାକ୍ସା ବିସୟ ହୁଗୁନା, 24 ତୁ ଦାନ୍ଲାଇଁ ସର୍ମାପରୁଲାଇଁ ଗେଲ୍ଗେଲ୍ନ୍ଦୁ ବେଦି ବୁନ୍ଦେ ବଅଁସୁ ପର୍ତୁମ୍ ତୁ ଲକ୍ନେନ୍ଦୁବ' ଉଜି'ସୁ ମାଇଁ'ନେନ୍ ବୁଡ୍ମ୍ ସାନ୍ତି ଡେକ୍ସୁ ମିସେୟ'ନେନ୍। ତୁନ୍ ତିର୍ଗି' ପିଜିସୁ ଯେନ୍ ତୁ ଦାନ୍ଲାଇଁ ସର୍ମାପରୁଲାଇଁ ବେ'ନେନ୍। 25 ଜଦି ଯେନ୍ ସର୍ତୁ ଅପେନ୍ଲାଇଁ ବିଚାର ଡେଡେମ୍ଗୁ ଜାଗାବ' ରିଜିନି ଡିୟ'ନା, ତୁ ବିଚାର ଡେଡେମ୍ଗୁ ଜାଗାବ' ଉୟ୍ ଆକ୍ତୁ ମାଇଁ'ନ୍ ବୁଡ୍ମ୍ ଦାପ୍ରେ ମିସେୟ'ନେନ୍। ଉରା'ନା ଯେନ୍ ସର୍ତୁ ବିଚାର ଡେଡେମ୍ଗୁ ଲକ୍ନୁ ତିତିବ' ଅପେନ୍ଲାଇଁ ଅବସବ' ବେ'ତୁ। ମିୟ' ବିଚାର ଡେଡେମ୍ଗୁ ଲକ୍ ଅପେନ୍ଲାଇଁ ବନ୍ଦି ଡେଡେମ୍ଗୁ ଲକ୍ନୁ ତିତିବ' ସର୍ପେୟ' ବେ'ତୁ। ତୁନ୍ ତିର୍ଗି' ଯେନ୍ ବନ୍ଦି ତିଏନ୍ବ' ବନ୍ଦି ଡେଲକ୍ପେନ୍। 26 ନିକ୍ ଅପେନ୍ଲାଇଁ ସର୍ ସାମ ସୁନ'ନିକ୍ନି, ଯେନ୍ ତୁ ବନ୍ଦି ତିଏନ୍ବ' କେଡେକ୍ ତାବୁ

ବେଢ଼ବେ'ଲାୟ୍ ତୁଲଙ୍ଗ୍ ତୁ ଡାବୁ ପୁରାପୁରୁନ୍ ମରସୁଜେୟ୍ ପଡେକ୍ ପେନ୍ ତୁ ବନ୍ଦି
ତିଏନ୍ ତିକ୍ ତୁରଗୁ ପିପିଙ୍ ଆରଗଙ୍ଆଁପେନ୍।

ବେବିଚାର୍ ବିସୟ୍ରେ

ମାଥୁଇ ୫:୨୭-୩୦

27 ପେନ୍ ବେବିଚାର୍ ଆରଡେମ'ନେନ୍ ତିୟ୍'ସୁ ମୋଶା ଲେକେୟ୍'ନ୍ ନିୟମ୍'ବ' ତୁଗୁନ୍
ପେନ୍ ଅଁପେନ୍ ତୁତୁ। 28 ମାତର୍ ନିଙ୍ ଅପେନ୍'ଲାୟ୍ ସୁନ'ନିଙ୍, ଜଦି ଲାୟ୍'ସା ବ'ସା
ଅନ'ଅନ୍'ଲାୟ୍ ମନ୍ ଆଲୁଙ୍ କାରାପ୍ ବାବ୍ରେ କୁତୁ ତିୟ୍'ନା, ତେବେ ମାୟ୍' ମନେ ମନେ
ତୁ ଅନ'ଅନ୍'ନ୍ ବୁଡମ୍ ବେବିଚାର୍ କାମ୍ ତେମ'ସୁ ସାରେୟ୍'ଗୁନି। 29 ଜଦି ପେନ୍ ମ'
ଅପେନ୍'ଲାୟ୍ କାରାପ୍ କାମ୍ ଅବ୍ଡେମ'ନି ତିୟ୍'ନା, ତୁନ୍ ନିମାନ୍'କାଙ୍ ମ' ତେଙ୍
ତୁଗୁନାସା, ତୁ ମ'ଲାୟ୍ ତ'ସୁ ସୁଅଁ' ବେ'ନେନ୍। ମାଙ୍ଡେମ୍ ତିୟ୍'ନା ପେନ୍ ସବୁ ନେରି
ନରକ୍ କୁନ୍ଡବ' ଉୟ୍'ନ୍ ବାଦୁଲ୍ରେ ନେରିନ୍ ମୁଇର' ମ' ନସ୍ଟ ତେଡେମ୍'ନ୍
ନିମାନ୍। 30 ଜଦି ପେନ୍ ତିତି ଅପେନ୍'ଲାୟ୍ କାରାପ୍ କାମ୍ ଅବ୍ଡେମ'ନି ତିୟ୍'ନା, ତୁନ୍
ବେସି ବପୁକାଙ୍ ତିତି ତେଙ୍ ତୁଗୁନାସା ତୁନ୍'ଲାୟ୍ ଗର୍ନ୍'ଡେୟ୍'ସୁ ସୁଅଁ' ବେ'ନେନ୍।
ମାଙ୍ଡେମ୍ ତିୟ୍'ନା ପେନ୍ ସବୁ ନେରି ନରକ୍ କୁନ୍ଡବ' ଉୟ୍'ନ୍ ବାଦୁଲ୍ରେ ନେରିନ୍ ତୁ
ମୁଇର' ତିତି ନସ୍ଟ ତେଡେମ୍'ନ୍ ନିମାନ୍।

ନିଜର୍ କୁମୟ୍'ନେନ୍'ଲାୟ୍ ଅମ୍ତୁର' ବେଢ଼ବେ'ନ୍ ବିସୟ୍ରେ

ମାଥୁଇ ୫:୩୧-୩୨

31 ମୋଶା ଲେକେୟ୍'ନ୍ ନିୟମ୍'ବ' ଏ ସାମସା ଲେକା ତେଙ୍ ତୁଗୁନ୍, ଅଁପେନ୍ ତୁତୁ।
ଜଦି ବ'ସା ଲକ୍ ନିଜର୍'ନ୍ କୁମୟ୍'ଲାୟ୍ ଅମ୍ତୁର' ବେଡ଼'ନି ତିୟ୍'ନା, ମାୟ୍' ଅମ୍ତୁର'
ବେଢ଼ବେ'ନ୍ ରାଜିନାମା ଅଲାକ୍ ଲେକେୟ୍'ସୁ ଅମ୍ତୁରେ' ତିୟ୍'ସୁ ଲେକା ତେଙ୍
ତୁତୁ। 32 ମାତର୍ ନିଙ୍ ଅପେନ୍'ଲାୟ୍ ସୁନ'ନିଙ୍, ଜଦି ବ'ସା ଲକ୍ ନିଜର୍ କୁମୟ୍'ଲାୟ୍
ଅମ୍ତୁର'ନି ତିୟ୍'ନା, ମାୟ୍' ସଡ୍ ବାବ୍ରେ ମର୍ଡୁଗୁସୁ ବେବିଚାର୍ ତେମ' ତୁଗୁନାଅ'

ଅମାୟ୍‌ଲାୟ୍ ଅମତ୍ତୁର' ବେଡ୍‌ବେ' ଡେଲଜ୍। ଜଦି ବ'ସା ଲକ୍ ବିନ୍ କାରନ୍‌ନ୍‌ ପୁଲାଇ
ନିଜର୍ କୁମାୟ୍‌ଲାୟ୍ ଅମତ୍ତୁର' ବେ'ଡୁ ଡିୟ'ନା, ଅମାୟ୍‌ଲାୟ୍ ବେବିଚାର୍ କାମ୍
ଅବ୍‌ଡେମ'ନି ଡିୟ'ସୁ ବୁଜେୟ୍ ଡେଲଜ୍। ମିୟ' ବ'ସା ଲକ୍ ଅମତ୍ତୁର'ନ୍‌ ତୁ କୁମାୟ୍‌ଲାୟ୍
ବିବା ଡେଲଜ୍ ଡିୟ'ନା, ମାୟ୍' ବେବିଚାର୍ କାମ୍ ଡେମ'ନି ଡିୟ'ସୁ ବୁଜେୟ୍ ଡେଲଜ୍।

ପର୍ମାନ୍ ଡେଡେମ୍‌ନ୍‌ ବିସୟ୍‌ରେ

ମାଥ୍‌ଜ ୫:୩୩-୩୭

33 ଏ ସାମସା ପେନ୍ ମୋଶା ଲେକେୟ୍' ତୁଗୁନ୍‌ ନିୟମ୍‌ବ' ଅଁପେନ୍‌ ତୁଡୁ। ଜଦି ପେନ୍
ପ୍ରଭୁନ୍‌ବ' ମାଜ୍‌ସା ବିସୟ୍ ପୁଲାଇ ପର୍ମାନ୍ ଡେମ'ପେନ୍‌ ତୁଡୁ ଡିୟ'ନା, ତୁନ୍‌ ତୁ ଇତ'ଅ'
ପୁରାପୁରୁନ୍‌ ଡେଡେମ୍‌ ତୁଡୁ। 34 ମାତର୍ ନିଜ୍ ଅପେନ୍‌ଲାୟ୍ ସୁନ'ନିଜ୍‌ନି, ପେନ୍ ମୁଲ୍‌କେ
ପର୍ମାନ୍ ଆର୍‌ଡେମ'ନେନ୍‌। ମିୟ' ସରଗ୍‌ନ୍‌ ଇମି ସବ'ସୁ ପର୍ମାନ୍ ଆର୍‌ଡେମ'ନେନ୍‌।
ମାଜ୍‌ଡେମ୍ ଡିୟ'ନା ତୁନ୍‌ ସତ୍‌ମାପୁରୁନ୍‌ ସିଂହାସନ। 35 ଦୁନିଆଁନ୍‌ ଇମିବ'ସା ପର୍ମାନ୍
ଆର୍‌ଡେମ'ନେନ୍‌, ମାଜ୍‌ଡେମ୍ ଡିୟ'ନା ତୁନ୍‌ ସତ୍‌ମାପୁରୁନ୍‌ ପାବ୍ ବଜ୍‌ବଜ୍‌ନ୍‌ ଜାଗା।
ମିୟ' ଯିରୁଶାଲମନ୍‌ ଇମିବ'ସା ପର୍ମାନ୍ ଆର୍‌ଡେମ'ନେନ୍‌, ମାଜ୍‌ଡେମ୍ ଡିୟ'ନା ତୁନ୍‌
ମଡକାଜ୍ ରାଜା ସତ୍‌ମାପୁରୁନ୍‌ ଗଡ୍‌। 36 ନିଜର୍ ବବ୍‌ଲାୟ୍ ତାରାମ'ସୁ ପର୍ମାନ୍
ଆର୍‌ଡେମ'ନେନ୍‌, ମାଜ୍‌ଡେମ୍ ଡିୟ'ନା ତୁନ୍‌ନ୍‌ ମୁଇର' ଚେନ୍‌ଡିଲାୟ୍‌ସା ଇଡେୟ୍
ଡେଡେମ୍ କି ପିଲେ' ଡେଡେମ୍ ଆର୍‌ଗଜ୍‌ଆଁପେନ୍‌। 37 ପେନ୍‌ ଉଁ ଡିୟ'ସୁ ସୁସୁନ୍‌ନ୍‌
ସାମଲାୟ୍ ଉଁ ଡିୟ'ସୁ ସୁନ୍‌ନେନ୍‌ ମିୟ' ଉରା' ଡିୟ'ସୁ ସୁସୁନ୍‌ନ୍‌ ସାମଲାୟ୍ ଉରା' ଡିୟ'ସୁ
ସୁନ୍‌ନେନ୍‌। ଉଁ କି ଉରା' ଡିୟ'ସୁ ସୁସୁନ୍‌ନ୍‌ ସାମ ଡିକ୍ ମିୟ'ଅଦିକ୍ ମାଜ୍‌ଟାସା ସୁସୁନ୍‌ନ୍‌
ଡେଜୁନି ଡିୟ'ନା, ତୁନ୍‌ କାରାପ୍ ଆତ୍‌ମାନ୍‌ ଡିକ୍ ପିପିଜ୍‌ନ୍‌ ବିସୟ୍‌।

କାରାପ୍ କାମ୍ନୁ ବାଦୁଲ୍ରେ କାରାପ୍ କାମ୍ ମର୍ତ୍ତେତେମ୍ନୁ ବିସୟ୍ରେ

ମାଥୁର୍ ୫:୩୮-୪୨

38 ମୋଶା ଲେକେୟ୍ ତୁଗୁନ୍ନୁ ନିୟମ୍ ତିକ୍ ଏ ବିସୟ୍ସା ଅଁପେନ୍ ତୁତୁ, ଜଦି ବ'ସା ଲକ୍ ମୁଇର' ଲକ୍ନୁ ମ'ଲାଇ ମିୟ୍ ଗିନେଲାଇ ନସ୍ତ ତେମ' ତୁତୁ ତିୟ'ନା, ତୁ ଲକ୍ନୁ ମ'ନୁ ବାଦୁଲ୍ରେ ମ' ମିୟ୍ ଗିନେନ୍ ବାଦୁଲ୍ରେ ଗିନେ ନସ୍ତ ତେତେମ୍ନୁ ଦନ୍ତ୍ ବେଡ୍ବେ'ନେନ୍ ତୁଗୁ। 39 ମାତର୍ ନିକ୍ ଅପେନ୍ଲାଇ ସୁନ'ନିକ୍ନି, ପେନ୍ ବିରଦ୍ରେ ତେତେମ୍ନୁ କାରାପ୍ କାମ୍ନୁ ବାଦୁଲ୍ରେ, ପେନ୍ସା କାରାପ୍ କାମ୍ ଆର୍ତେମାନେନ୍। ଜଦି ବ'ସା ଲକ୍ ଅପେନ୍ଲାଇ ମୁଇର' ପୁକ୍ତେ'ବ' ଚାପ୍ଡେକ୍ ବୁଅ'ନା ମିୟ୍'ମୁଇର' ପୁକ୍ତେ'ସା ଅବ୍ସେୟ୍ ବେ'ନେନ୍। 40 ଜଦି ବ'ସା ଲକ୍ ବିଚାର୍ ତେତେମ୍ନୁ ଜାଗାବ', ପେନ୍ ବିରଦ୍ରେ ଦାବି ତେମ'ସୁ ପେନ୍ ଚକା ରିରିକ୍ ପୁଲାଇ ଇଚା ତେମ'ନା, ପେନ୍ ଅମାୟ୍'ଲାଇ ପେନ୍ ଚାଦର୍ସା ବେଡ୍ ସୁକ୍ନେନ୍। 41 ଜଦି ମୁଇର' ଇଜାର୍ ଅପେନ୍ଲାଇ ମାୟ୍'ନୁ ମାକ୍ସା ଦିନ୍ସୁ ତନ'ସୁ ମାୟ୍'ନୁ ବୁଡ୍ମ୍ ମୁଇର' କିଲ ମିଚର୍ ଉୟ୍ ପୁଲାଇ ସୁନ'ନା, ପେନ୍ ମାୟ୍'ନୁ ବୁଡ୍ମ୍ ଦୁୟ୍ କିଲ ମିଚର୍ ଉୟାନେନ୍। 42 ଜଦି ବ'ସା ଲକ୍ ଅପେନ୍ଲାଇ ମାକ୍ଟାସା ଲୁଡ୍'ନି ତିୟ'ନା, ତୁନ୍ ଅମାୟ୍'ଲାଇ ବେ'ନେନ୍। ଲାଇ' ପେନ୍ ତିକ୍ ଉଦାର୍ ରିରିକ୍ଲାଇ ଇଚା ତେମ'ନି ତିୟ'ନା, ପେନ୍ ଅମାୟ୍'ଲାଇ ବେଡ୍ବେ' ପୁଲାଇ ଉରା' ତିୟ'ସୁ ଆର୍ସୁନ'ନେନ୍।

ବିରଦିନେନ୍ଲାଇ ଆଲାଦ୍ ତେତେମ୍ନୁ ବିସୟ୍ରେ

ମାଥୁର୍ ୫:୪୩-୪୮

43 ପେନ୍ ମୋଶା ଲେକେୟ୍'ନୁ ନିୟମ୍ ତିକ୍ ଏ ଇତ' ସୁସୁନ୍ନୁ ସାମ ଅଁପେନ୍ ତୁତୁ, ପେନ୍ ପଡ଼ିସାନ୍ ଲକ୍ଲାଇ ଆଲାଦ୍ ତେମ୍ନେନ୍ ମିୟ୍ ପେନ୍ ବିରଦିନେନ୍ଲାଇ ଗିନ୍ ତେମ୍ନେନ୍ ତିୟ'ସୁ ସୁସୁନ୍ନୁ ସାମ ଅଁପେନ୍ ତୁତୁ। 44 ମାତର୍ ନିକ୍ ଅପେନ୍ଲାଇ

ସୁନ'ନିଙ୍ଗନି, ଯେନୁ ବିରଦିନେନ୍‌ଲାଇ ଆଲାଦ୍ ଡେମ୍‌ନେନ୍‌। ମିୟ' ବ' ଲକ୍‌ନେନ୍‌
 ଅପେନ୍‌ଲାଇ ଦୁକ୍ କସ୍‌ଟ ବେଡ୍‌'ନେନ୍‌ନି, ତୁ ଲକ୍‌ନେନ୍‌ ପୁଲାଇ ପାର୍‌ତନା
 ଡେମ୍‌ନେନ୍‌। 45 ଯେନ୍ ଏ ଇଡ' ଡେମ୍‌ନା ସରଗ୍‌ବ' ତୁଗୁନ୍‌ ଯେନ୍‌ ଆପୁଙ୍ଗ୍
 ସଡ୍‌ମାପୁରୁନ୍‌ ଅ'ଅନ୍‌ଅନ୍‌ତାୟ୍ ଡେଲଙ୍‌ଘେନ୍‌। ସଡ୍‌ମାପୁରୁ, ନିମାନ୍‌କାଙ୍ଗ୍ ଲକ୍‌ନେନ୍‌
 ପୁଲାଇ ମିୟ' କାରାପ୍‌କାଙ୍ଗ୍ ଲକ୍‌ନେନ୍‌ ପୁଲାଇ ସି' ଅବ୍‌ତୁର'ନି ମିୟ' ଦରମ୍‌ ମିୟ'
 ଅଦରମ୍‌ନ୍‌ ଲକ୍‌ନେନ୍‌ ପୁଲାଇ ବରସା ଅବ୍‌ଡେମ୍‌ନି। 46 ମିୟ' ବ' ଲକ୍‌ନେନ୍‌
 ଅପେନ୍‌ଲାଇ ଆଲାଦ୍ ଡେମ୍‌'ନେନ୍‌ନି, ଯେନ୍‌ ତୁ ଲକ୍‌ନେନ୍‌ଲାଇଅ' ଆଲାଦ୍
 ଡେମ୍‌ତପେନ୍‌ ଡିୟ'ନା, ମାଙ୍ଗ୍‌ସା ଲାବ୍‌ ଉରା'। ସିସ୍‌ତୁ ଲୁଗ୍‌ଲୁ'ଗ୍‌ନ୍‌ ପାପି ଲକ୍‌ନେନ୍‌ସା ଏ
 ଇଡ' ଡେମ୍‌ତନେନ୍‌। 47 ଯେନ୍‌ ଜଦି ଯେନ୍‌ ସଙ୍ଗାରିନେନ୍‌ଲାଇଅ' ଦୟା
 ଅବ୍‌ସେୟ୍‌ତୁପେନ୍‌ ଡିୟ'ନା, ତେବେ ଯେନ୍‌ ବିନ୍‌ ଲକ୍‌ନେନ୍‌ ଡିକ୍‌ ମାଙ୍ଗ୍‌ଟା ଅଦିକ୍‌ ନିମାନ୍‌
 କାମ୍‌ ଡେମ୍‌'ପେନ୍‌ନି। ପ୍ରଭୁଲାଇ ମରମାଅ'ନ୍‌ ଲକ୍‌ନେନ୍‌ସା ଏ ଇଡ' ଡେମ୍‌ତନେନ୍‌।
 48 ତୁନ୍‌ ପୁଲାଇ ସରଗ୍‌ବ' ତୁଗୁନ୍‌ ଯେନ୍‌ ଆପୁଙ୍ଗ୍‌ ସଡ୍‌ମାପୁରୁ ଏରାନ୍‌ ଆଲାଦ୍‌ବ' ସିଦ୍‌
 ତୁଡୁ, ଯେନ୍‌ସା ତୁ ଇଡ' ଆଲାଦ୍‌ବ' ସିଦ୍‌ ଡେମାନ୍‌ନେନ୍‌।

ଏପିସୟ ୫:୧ ଯେନ୍‌ ସଡ୍‌ମାପୁରୁନ୍‌ ମୁନାଙ୍ଗ୍‌ ସବୁ ବିସୟ୍‌ବ' ଚଲାଚଲ୍‌ତି ଡେମ୍‌ନେନ୍‌।
 ମାଙ୍ଗ୍‌ଡେମ୍‌ ଡିୟ'ନା ଯେନ୍‌ ସଡ୍‌ମାପୁରୁନ୍‌ ଆଲାଦ୍‌ନ୍‌ ଅ'ଅନ୍‌ଅନ୍‌ତାୟ୍‌ନେନ୍‌
 ଡେଲଙ୍‌ଘେନ୍‌।

୧ପିତର ୧:୧୪ ମିୟ' ସଡ୍‌ମାପୁରୁଲାଇ ମାନେୟ୍‌ୟାନ୍‌ନେନ୍‌, ମାଙ୍ଗ୍‌ଡେମ୍‌ ଡିୟ'ନା ଯେନ୍‌
 ମାୟ୍‌ନ୍‌ ଅ'ଅନ୍‌ଅନ୍‌ତାୟ୍‌ନେନ୍‌। ମିୟ' ଆକ୍‌ତୁନ୍‌ କାରାପ୍‌ ଚଲାଚଲ୍‌ତି ମିୟ'ତରେକ୍‌
 ଆର୍‌ଡେମ୍‌'ନେନ୍‌, ତୁ ବେଲା ଯେନ୍‌ ସଡ୍‌ ସାମନ୍‌ ଏ ବିସୟ୍‌ନେନ୍‌ଲାଇ ମରମାଅ'ସୁ
 ତୁଗୁପେନ୍‌। ୧୫ ମାତର୍‌ ଆ' ଅପେନ୍‌ଲାଇ ଆୟ୍‌ନ୍‌ ସଡ୍‌ମାପୁରୁ ଏରାନ୍‌ ସୁକଲ୍‌କାଙ୍ଗ୍‌, ତୁ
 ଇଡ' ଯେନ୍‌ ଡେଡେମ୍‌ନ୍‌ ସବୁ ବିସୟ୍‌ବ' ସୁକଲ୍‌ରେ ତୁ ତୁଡୁ।

୧୬ ମାଙ୍ଗଡେମ୍ ଡିୟ'ନା ସତ୍‌ମାପରୁନୁ ବୟବ' ଏ ଇତ' ଲେକା ତେଜୁ ହୁତୁ, ନିଙ୍ଗ୍
ସୁକଲ୍‌ରେ ହୁତୁନିଙ୍ଗ୍, ପେନ୍‌ସା ତୁ ଇତ' ସୁକଲ୍‌ରେ ହୁ ହୁତୁ ଡିୟ'ସୁ ଲେକା ତେଜୁ ହୁତୁ।

ଯାକ୍ରବ ୪:୪ ସତ୍‌ମାପରୁନୁ କୁରୁଙ୍ଗ୍ ମର୍ତ୍ତଜି'ସୁ ଦୁନିଆଁନୁ କୁରୁଙ୍ଗ୍ ଉୟ୍‌ନୁ ଲକ୍‌ନେନ୍
ପେନ୍, ଦୁନିଆଁଲାୟ୍ ଆଲାଦ୍ ତେମ୍‌ତପେନ୍ ଡିୟ'ନା, ସତ୍‌ମାପରୁନୁ ବିରଦି
ତେଲଙ୍ଗ୍‌ପେନ୍ ଡିୟ'ସୁ ମାଙ୍ଗ୍‌ମାଗ୍ ହୁତୁ। ମିୟ' ଲାୟ୍' ଏ ଦୁନିଆଁଲାୟ୍ ଆଲାଦ୍ ତେତେମ୍
ପୁଲାୟ୍ ଇଚା ତେମ'ନି, ମାୟ୍' ନିଜର୍‌ଲାୟ୍ ସତ୍‌ମାପରୁନୁ ବିରଦି ଅବ୍‌ତେମ୍‌ଗୁନି।

୧ ଯୋହନ ୨:୧୫ ପେନ୍ ଦୁନିଆଁଲାୟ୍ ମିୟ' ତୁନ' ହୁଗୁନୁ ବିସୟ୍‌ନେନ୍‌ଲାୟ୍ ନିମାନ୍
ଡିୟ'ସୁ ଆର୍‌ବାବେୟ୍‌ଗୁନେନ୍‌। ବ' ଲକ୍ ଦୁନିଆଁଲାୟ୍ ନିମାନ୍ ଡିୟ'ସୁ ବାବେୟ୍‌ଲଙ୍ଗ୍
ଡିୟ'ନା, ମାୟ୍' ନାୟ୍‌ନୁ ଆପୁଙ୍ଗ୍ ସତ୍‌ମାପରୁଲାୟ୍ ଆଲାଦ୍ ଆର୍‌ତେମ୍‌।

୧ ଯୋହନ ୧୫: ୧୨, ନିଙ୍ଗ୍ ଅପେନ୍‌ଲାୟ୍ ଏରାନ୍ ଆଲାଦ୍ ତେମ'ନିଙ୍ଗ୍ ହୁତୁ, ତୁ ଇତ'
ପେନ୍ ନିଜର୍ ନିଜର୍ ଆଲୁଙ୍ଗ୍ ଆଲାଦ୍ ତେମ୍‌ନେନ୍, ଏନୁ ନିଙ୍ଗ୍‌ନୁ ଆଦେସ୍‌।

ଏଫିସିୟ ୫: ୨, ମିୟ' ପେନ୍ ଯୀଶୁ ଖ୍ରୀଷ୍ଟୁ ମୁନାଙ୍ଗ୍ ବିନ୍ ଲକ୍‌ନେନ୍‌ଲାୟ୍ ସବୁ ବେଲା
ଆଲାଦ୍ ତେମ'ସୁ ବୁରନ୍‌ଆଁନେନ୍‌। ଯୀଶୁ ଖ୍ରୀଷ୍ଟ ଅନାୟ୍‌ଲାୟ୍ ଆଲାଦ୍ ତେମ'ସୁ ପାପ୍
କାମ୍ ଡିକ୍ କୁଲାସ୍ ତେତେମ୍ ପୁଲାୟ୍ ନିଜର୍‌ଲାୟ୍ ସତ୍‌ମାପରୁନୁବ' ଗେଲ୍‌ଗେଲ୍‌ନୁବ'
ସର୍‌ପେୟ୍‌ଗୁ ବେଡ୍' ମିୟ' ମାୟ୍' ଏ ଇତ' ତେମ'ନୁ କାମ୍ ସତ୍‌ମାପରୁନୁ ମନ୍‌କେ ଉଜି'।
ମାଙ୍ଗ୍‌ଡେମ୍ ଡିୟ'ନା ମାୟ୍' ତୁ ଇତ' ଅବ୍‌ଗେଲ୍‌ଗୁନୁ ସତ୍‌ମାପରୁନୁବ' ଅବ୍‌ଗେବ୍‌ନୁ ମୁଇର'
ବାସ୍‌ନାକାଙ୍ଗ୍ ଦୁପ୍‌ନୁ ଦାନ୍ ମୁନାଙ୍ଗ୍ ତେଜୁ। ୨ ମିୟ' ଲାୟ୍‌ସା ଅପେନ୍‌ଲାୟ୍ ଏ ଇତ'କାଙ୍ଗ୍
ବୁଲ୍ କାମ୍ ତେତେମ୍‌ନୁ ବୁଲ୍ ଉରା' ଡିୟ'ସୁ ବକ୍‌ଆ ସାମ ସୁନ'ସୁ ଆର୍‌ନାଡାଏନେନ୍‌।
ମାଙ୍ଗ୍‌ଡେମ୍ ଡିୟ'ନା ଏ ଇତ' ତେତେମ୍‌ନୁ ସବୁ ଲକ୍‌ନେନ୍ ସତ୍‌ମାପରୁଲାୟ୍
ମର୍‌ମାନେୟ୍‌ନୁ ଲାଗି, ବୟ୍‌କାର୍‌ନୁ ଦନ୍‌ଡ୍ ପାଏୟ୍‌ଲଙ୍ଗ୍‌ନେନ୍‌। ୮ ଆକ୍‌ତୁ ପେନ୍ ନୟ୍'
ମୁନାଙ୍ଗ୍‌କାଙ୍ଗ୍ ପାପ୍‌ବ' ହୁଗୁପେନ୍, ମାତର୍ ଆଁ ପେନ୍ ପ୍ରଭୁନୁବ' ହୁଗୁନୁ ଲାଗି, ତାରା'ବ'

ହୁତୁପେନ୍। ହୁନ୍ ପୁଲାଇଁ ପେନ୍ ସତ୍କାଙ୍ଗ୍ ସାମ ମାଆଁନ୍ ଲାଗି, ଡାରା'ବ' ହୁଗୁନ୍
ଲକ୍ନେନ୍ ମୁନାଙ୍ଗ୍ ସତ୍କାଙ୍ଗ୍ ବିସୟ୍ ଅନ୍ସାରେ ଚଲାଚଲ୍ତି ତେମ୍ନେନ୍।

ଯୋହନ ୧୩: ୩୪ ନିଙ୍ଗ୍ ଅପେନ୍ଲାଇଁ ମୁଇର' ତିମେକାଙ୍ଗ୍ ଆଦେସ୍ ବେଡ୍'ନିଙ୍ଗ୍ନି,
ପେନ୍ ନିଜର୍ ନିଜର୍ ଆଲୁଙ୍ଗ୍ ଆଲାଦ୍ ତେମ୍ନେନ୍। ନିଙ୍ଗ୍ ଏରାନ୍ ଅପେନ୍ଲାଇଁ ଆଲାଦ୍
ତେମ୍ନିଙ୍ଗ୍ ହୁତୁ, ପେନ୍ସା ହୁ ଇତ' ନିଜର୍ ନିଜର୍ ଆଲୁଙ୍ଗ୍ ଆଲାଦ୍ ତେତେମ୍ ହୁତୁ।

1ଥେସଲ ୪: ୭, ମାଙ୍ଗ୍ତେମ୍ ଡିୟ'ନା ସତ୍ମାପରୁ ଅନାୟ୍'ଲାଇଁ ଅସୁକଲ୍ନ୍ କାମ୍ବ'
ହୁଗୁସୁ ଚଲାଚଲ୍ତି ତେତେମ୍ ପୁଲାଇଁ ଆୟ୍'ଆୟ୍ ଡରା', ମାତର୍ ସୁକଲ୍ରେ ଚଲାଚଲ୍ତି
ତେତେମ୍ ପୁଲାଇଁ ଆୟ୍' ହୁତୁ।

ଏଫିସିୟ ୨: ୪, ସତ୍ମାପରୁ ଅନାୟ୍'ଲାଇଁ ସବୁ ବେଲା ବେସି ଦୟା ତେମ୍ନି। ମିୟ'
ମାୟ୍' ଅନାୟ୍'ଲାଇଁ ବେସି ଆଲାଦ୍ ତେମ୍ନି। *(ମାତ୍ର ଏପରି ଅପରାଧରେ ମୃତ ହେଲେ
ହେଁ ଦୟାସାଗର ଯେ ଈଶ୍ଵର, ସେ ଆୟ୍ମାନକୁ ଯେଉଁ ମହା ପ୍ରେମରେ ପ୍ରେମ କଲେ,
ସେଥିସକାଶେ ଆୟ୍ମାନକୁ ଖ୍ରୀଷ୍ଟଙ୍କ ସହିତ ଜୀବିତ କରିଅଛନ୍ତି, ଏଣୁ ଅନୁଗ୍ରହରେ
ହୁତ୍ସେମାନେ ପରିତ୍ରାଣ ପାଇଅଛନ୍ତି,)* 5 ନାୟ୍' ଆକ୍ତୁ ପାପ୍ ତେମ୍ ହୁଗୁନ୍ ଲାଗି, ଆତ୍ମା
ଜିବନ୍ବ' ଗୟ୍'ଗି ଉଜି'ନାୟ୍' ହୁଗୁ। ମାତର୍ ସତ୍ମାପରୁ ଯୀଶୁ ଖ୍ରୀଷ୍ଟଲାଇଁ ଗୟ୍'ଗିନ୍ ଡିକ୍
ଜିବନ୍ ତେମ୍'ସୁ ଅମଡ୍'ନ୍ ଡିକ୍ ମାୟ୍' ଅନାୟ୍'ଲାଇଁ ତିମେକାଙ୍ଗ୍ ଜିବନ୍ ବେଡ୍' ହୁତୁ।
ମିୟ' ସତ୍ମାପରୁ ଅନାୟ୍'ଲାଇଁ ଦୟା ତେମ୍'ନ୍ ଲାଗି, ନାୟ୍' ପାପ୍ ଡିକ୍ ରକିୟା
ପାଏୟ୍'ଗୁନାୟ୍' ହୁତୁ।

ଏଫିସିୟ ୨: ୧, ପେନ୍ ଆକ୍ତୁ ଆତ୍ମା ଜିବନ୍ବ' ଗୟ୍'ଗି ଉଜି'ନ୍ ଲକ୍ନେନ୍ ମୁନାଙ୍ଗ୍
ହୁଗୁପେନ୍। ମାଙ୍ଗ୍ତେମ୍ ଡିୟ'ନା ପେନ୍ ସତ୍ମାପରୁନ୍ ସାମଲାଇଁ ମର୍ମାନେୟ୍'ଗୁସୁ ପାପ୍
ତେତେମ୍ପେନ୍ ହୁଗୁ। 2 ପେନ୍ ଆକ୍ତୁ ହୁ ପାପ୍ କାମ୍ ବୁଡ୍'ମ୍ ତଲ୍ଗୁପେନ୍ ହୁଗୁ, ପେନ୍
ଦୁନିଆଁନ୍ ଇସାବ୍ରେ ବୁରନ୍'ଗୁପେନ୍ ହୁଗୁ। ମିୟ' ଦୁନିଆଁବ' ସାସନ୍ ତେତେମ୍ କାରାପ୍

ବସୁନ୍ନୁ ଡିରଗି' ଉନ୍ନପେନ୍ ହୁଗୁ। ହୁ କାରାପକାଙ୍ଗ ବସୁଅ' ଆ'ସା ସତ୍ତମାପୁରୁଲାଇ
ମର୍ମାନେନ୍ନୁ ଲକ୍ନେନ୍ନୁ ଆଲୁଙ୍ଗ କାମ୍ ତେମ'ନି। 3 ଆକ୍ତୁ ନାୟ୍' ସବୁ ଲକ୍ନେନ୍
ସତ୍ତମାପୁରୁଲାଇ ମର୍ମାନେନ୍ନୁ ଲକ୍ନେନ୍ନୁ ମୁନାଙ୍ଗ ଚଲାଚଲ୍ତି ତେତେମ୍ନାୟ୍' ହୁଗୁ।
ମିୟ୍' ନାୟ୍' ନାୟ୍'ନ୍ନୁ ପାପ୍ନୁ ଗୁନ୍ତଲନ୍ନୁ ଅନ୍ସାରେ ନେରିନ୍ନୁ ଇଚାଲାଇ ମିୟ୍' ମନ୍ବ'
ବାବେନ୍ନୁ ଇଚାଲାଇ ପୁରୁନ୍ ତେତେମ୍ ପୁଲାଇ ଚେସ୍ତା ତେତେମ୍ନାୟ୍' ହୁଗୁ। ନାୟ୍'ନ୍ନୁ
ଜିବନ୍ବ' ପାପ୍ ପୁରୁନ୍ ହୁଗୁନ୍ନୁ ଲାଗି, ବିନ୍ ଲକ୍ନେନ୍ନୁ ମୁନାଙ୍ଗ ନାୟ୍'ସା ସତ୍ତମାପୁରୁନ୍ନୁ
ରିସାବ' ହୁଗୁସୁ ବନ୍ଡ୍ ପାଏୟ୍ଲାଇ ହୁଗୁୟାଙ୍ଗ।

*ଉପଦେଶକ ୧୨: ୧୩, ସାର କଥା ଏହି; ସବୁ ଶୁଣାଯାଇଅଛି; ପରମେଶ୍ୱରଙ୍କୁ ଭୟ କର ଓ ତାହାଙ୍କର
ଆଜ୍ଞାସବୁ ପାଳନ କର; କାରଣ ଏହା ହିଁ ମନୁଷ୍ୟର ପୂର୍ଣ୍ଣ କର୍ତ୍ତବ୍ୟ କର୍ମ।*

ପରସନ୍:

୧. ଏ ବିସୟ୍ ପଡ଼େୟ୍ ବେଲା ମାଙ୍ଗ ମାଙ୍ଗ ଗର୍ନାନେନ୍ ଜୁଜୁଲାଇ ତେଜୁନି ?
୨. ଏ ବିସୟ୍ ଡିକ୍ ମାଙ୍ଗ ମାଙ୍ଗଟା ଗିରଗିର୍ ତେଜୁନି ?
୩. ଯାଶୁ ମାପୁରୁ ଏ ଗର୍ନା ଡିକ୍ ମୁକିୟ ବାବ୍ରେ ଅନାୟ୍' ମାଙ୍ଗ ବିସୟ୍ ଅବ୍ଗିରଲାଇ ଇଚା ତେମ'ନି ?
୪. ଏତି'କେ ନାୟ୍' ମାଙ୍ଗ ମାଙ୍ଗ ମୁକିୟ ବିସୟ୍ନେନ୍ ଗିରଗୁନାୟ୍'ନି ?
୫. ଯାଶୁ ଅବ୍ଗିରନ୍ନୁ ଏ ବିସୟ୍ନେନ୍ନୁ ଡିକ୍ ନାୟ୍'ନ୍ନୁ ଜିବନ୍ଲାଇ ଏରାନ୍ ଚାଲାଇବାର୍ ହୁତୁ ?
